

# Dzejvuli

Romons Spaitāns

**PALEIDZŌNS**

Apruneigus, malnus vōrdus  
nōtris škīznom sīnu  
Lobōk lai tī manī vōrdōs,  
naaplejūt nivīnu.  
Padūms ūrkateigi kņudej  
sevi skaidrōt, kōrtōt:  
Vysu lai tik vad iz lobu,  
ļaunu īsvīst, sōrtā.

Pōrōk ļaudš skrīn pakaļ mōnim,  
paraugi jūs dadzeiņ;  
Lobōk rōmi paāj sōnim,  
pakar līkū vadzi.  
Svešā putrā sovu sōli  
kam tāv bārt, par vari?  
Kotrs sver pa sovai mūdāi,  
tu na breinumdaris.

Kū patīσαι bāda mūka,  
saukš jys tevi leidzāt;  
Vajdzeiga kod tova rūka -  
naatlykdams steidzīs!

## **BOŅUKA KONKURENTAM VĒRDADĪNĀ**

Dyžs bej puika mūsu Andris,  
Rakstā gudru programē  
Veirs kai ūzuls, stolts kei gandris,  
Baļstenš - tovu jaukumeņ!  
    Šudiņ tá pi mūsu gostūs,  
    Reit jau cytur otkon skrīš.  
    Nasmōdej jys ļaužu sprostūs,  
    Tikai nagryb precātis.

Mūsu máityš veira prosa,  
Nasaskōbtu lai kai kvass.  
Cyta solta reita rosa,  
Cyta svylst kai korstīs prass.  
    Šudiņ tova vōrdadīna.  
    Lyudzom itū pōrdūmōt!  
    Lovīs šur kei kačš pi pīna,  
    Gaidāsim ai sīvu klōt!

Inguna Būmane-Lūse

### **MĪLA PĪDZYMST NU NIKŌ**

Mīla pīdzymst nu nikō.

Tei pieški īzarūn - i vyss.

Kļūst dzeivá tai kai pōsokā,

I svāts, i dōrgs ap tevi vyss.

Apžylbst acš, apreibst prōts,

Sirdī ilgys zvona.

Pagaist dūmom mīrs i sōts,

Nav ar ikdīnu vairs gona.

Gribīs cáļtīs, nazkur īt,

Putna spōrnim traukt,

Preteim saulái, zvaigžņom skrīt,

Tai kai pučái plaukt.

Sirdi tōlys ilgys pylda,

Tovi glōsti tai i skaņ,

Kotru jaunu dīnu sylda

Tovi mīlys vōrdi maņ.

Mīla pīdzymst nu nikō

Spōrnus dūdūt ikdīnai.

I ītykusá pōsokā

Tu ceri – beigu nabýš tai.

## BURAMVĒRDI

Gunš par palnym,  
Par palnym malnim,  
Līsmis par aukstumu,  
Par aukstumu soltu.

Pa tymsu, pa vieju  
Sōpis as sieju  
I palyku auksta  
Kai lada lauska.

Lai munys ilgys  
Pajem naktš soltys,  
Lai muna mīla  
Dzīst ladā kolta.

Vysam pōri lads i sols,  
Vysom jiutom i sajiutom gols.  
Soltums lai styndzinoj,  
Vieji lai plieš.

Diļtiņ lai dylst,  
Gaistiņ lai gaist,  
Aiztak kai iudiniņ,  
Kai gunkurš dzīst.

Deveiņraiz deveinys  
Lada kōrtys  
Ap acim, ap sirdi,  
Ap munu dzeivi.

Jana Čevere

\*\*\*

Izlaišu motus,  
nāušu kōjis,  
skrišu iz slūtys  
mienesi apskaut̃.  
Soki, nav rogonu?  
A kas tevi byurá,  
kas tevi pīsāja  
sudobra dīgā,  
naļōvā īleis̃  
kūrmulá olā,  
nalaidá aizlidōt̃  
gōjputnim leidza?

Vita Viļuma

\* \* \*

Pīzaglauž suneitš vōrgs i vacs  
pi bārnu kōjeņom  
nateirom i bosom.  
Naīt mīga pálá pi mozīm,  
nastōsta pōsaceņu kaidš.  
Dziļōk zam deča sazaraun augumeni -  
gribīs äštš, solts i bailá.  
Nav otkon sātā tāva i mōtis  
jau trešū dīnu,  
tik snīgs aiz lūgu spielejās  
zam zvaigžņu soltōm acim.  
Klusu šņōkuļoj bierneni.  
Jīm Laimis mōtá dečēiti nasakōrtōš,  
i Dīvs pologu napaságs -  
dzeivis ryugtums birš sirdīs jūs.  
Pukst sirsnenis, ir  
stypra gryba dzeivōtš  
i nav nivīna, kas rūku padūtu.

2004. Līga Rundāne

\*\*\*

Izratynoju  
Sovus naprōteigūs godus  
Pabīži sadeiguši  
Kas tī var izaugt  
Salidoj putyni manī  
I klīdz vysaidim bolsim  
Varbūt jī dzīd  
Kab mīreitu mani  
A manī aptymsums  
Īzastōjš

\*\*\*

I aizīt laiks...  
I cylvāks sazatryukst,  
Ka otkon nazkū īspiejš nav.  
Šaļts svāču boltuma,  
Šaļts āgļu zaļuma, —  
I tymsa aizalovōs.  
A mās kam teiram,  
Nabejušam tycom.



\* \* \*

Māš sazapyņušs vīns ūtrā  
I namōkom valī tikṭ  
Kōrtejō realitatis lākmá  
Atvāsynoĵ  
Vīneigi dvāselá  
Atsasoka bez tevis tōļōk iṭ

\* \* \*

Bailá palikṭ par rudiná pļovu,  
Soltu, izmierkušu i palāku.  
Dūṭ jau ir naizsokami labi...  
Viņ kur likṭ tū,  
Kas palīk napajymts?

\* \* \*

Ar pastīptu sirdi rūkā  
Klauveju pi tova cītūkšná  
Solts  
Tu studáj patš sevi  
I nagribi dzierdāṭ nikō  
Ari sevi nā  
Mýsu dvāselis skumeigi verās  
Kai māš tá runojom  
Kotrs sovā volūdā

\*\*\*

Vyss jau pasaceits  
Dväselá apgrízta ar kōjom gaisā  
Izkrateitys piedeigōs druponys  
Naasu ni tukša ni pylna  
Viņ palidōtṅ navaru  
Spōrni  
Valī palykušs i drusku aiztierpušs  
Tu muns Breinums  
(kai vysod)  
As poša viņ  
Drupeiṅ salyuzusá

\*\*\*

Dväselis durovys  
Žieleigi nūčeikstṅ  
Īryusiejušys  
Valī bṅšonā  
Lepneiba sazarōvusá  
Lyzgoj  
Munys sapleisušōs vainis

**DZĪSMÁ PAR PĀDEJŪ GLŌZEITI**

Dzeivōja ņaiz tauta moza,

Tyka slaukta tei kai koza.

Ari tu, ari tu.

Kur viņ lyka, tī tei gōja

Nikod preteim narunōja.

Ari tu, ari tu.

Verīs latvīŭ, augši kūkā

Branga dasa karinej.

Bet tū navar dabōŭ rūkā.

Nav deļ tevá dūmōta.

Mysim atļauņ nūmiertŭ bodā,

Vyss kas aizīt brōļu tautu lobā,

Namonūt tī laiki nōcá,

Kod mums tikai naästŭ mōca.

Tikai dzártŭ, tikai dzártŭ,

Dzár, kur vari sūli spártŭ.

Īdzár, lai tu dullōks kliutu,

Stulbōks vāļ par krīvu bŭtu.

Ari tu, ari tu.

Tōpec, latvīŭ, nadūmoj.

Láj tik vodku, ičarkoj

Vodkā nūsleikŭ tovys bādys,

Zōlis tōs vāļ dīsgon lātys.

Skrauča Jōņs

## **VEĻTIEJUMI BEZ ADRESATA**

*2.dalá. Runōts i padūmōts*

- Jōņ! Tu otkon Internetā dzeju syuti?  
Šīpla taidis! Tik anekdotus runoj. -  
- Vierteigi na tikai zalta gryudi,  
I pypari, tok, nazkū moksoj! -

Deputatu kandidats  
Ir kai eņgeleitš nazkaidis;  
Ka teik iz vaļdeišonys mōji,  
jys zvierej tam - ar oža kōji.

Kod máitená pīdzeivoj vīļšonōs sōpis,  
Tod tik sōc rakstāļ jei dzejis;  
Dīvs dalaiž bādys i cīsšonys tō pec,  
Lai caltu sirdš sportiskōs spiejis.

Tova bez sōlá vōreitō zupa  
Mož i veseleiga, tik nav gorda;  
Cīž jau pareizō gazetu runa  
Kai smylga, - bez krōsys i smōrda.

Skōbūs kōpustus turāļ nav slykt,  
Taidus nav kauns i iz golda likļ.

I ka dzārōji vysus tūs āsš,  
Partū i sirdš nasōpās.

Mīlš dūmoj tik par mōjom,  
Jam prōtā akcejis vysaidys,  
Bet iz munom kūdōm kōjom  
Uzmaneibys nav nikaidys.

Aņceiņ! Pasok paļdis tantái par dōvineni,  
I dabōvej vāļ kaidu skaistu vōrdeni! -  
- Ai, cik skaista itei çoceitá!  
Nu taišni kai mýsu kuceitá! -

Izkrōsōta dāma gostūs:  
- Cik jiuš godu dūtu maņ? -  
- Jiusim sovu - lela nosta!...-  
Ak! Ar masku prīca nasaskaņ... !

Da slidai sīvītái, ar brīža mōtis kōjom  
Máš, puisi, baudāť prīcu nazkod gōjam;  
Jōs veirs - kai brīdš ar roгим, tōli skrīn,  
Kur vairōk nūpeļnāť - zyna jys arvīn.

Dzārōjam ir divys bādys:  
Dzeršona i nadzeršona.  
Nu rádžātō as zynu, jiutu:  
Tei ūtra gryutōkō jam byutu.

Aiz azara leigotōjim  
Dzīšmu diskam rytmys cyts.  
A varbūt - dorba trūksnis jīm? -  
Bucā kōpustus tī syt...?

2009